



Broj: 15/1-04-001264-2/26
Tuzla, 20.04.2026.godine

Na osnovu člana 70. stav (3), člana 33. stav (1) tačka b) i člana 34. Zakona o javnim nabavkama ("Službeni glasnik Bosne i Hercegovine" broj: 39/14, 59/22 i 50/24) nakon provedenog Konkursa za izradu idejnog rješenja za izgradnju spomen obilježja Spomen park sa spomen obilježjem 2. korpusu Armije Republike Bosne i Hercegovine, na prijedlog Konkursne komisije za provođenje Javnog konkursa za izradu idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“, imenovane Odlukom Vlade Tuzlanskog kantona, broj: 02/1-19-20967-2/25 od 23.09.2025. godine i broj: 02/1-19-20967-3/25 od 11.11.2025. godine, Ministrica za boračka pitanja, d o n o s i:

ODLUKU **izboru nagrađenog učesnika konkursa za izradu idejnog rješenja**

Član 1.

U provedenom postupku konkurs za izradu idejnog rješenja za izgradnju spomen obilježja Spomen park sa spomen obilježjem 2. korpusu Armije Republike Bosne i Hercegovine izabrano je prvoplasirano idejno rješenje dostavljeno pod šifrom PNR114, autora Nusreta Lukača. Novčana nagrada za prvoplasino idejno rješenje iznosi 8.000,00 KM (slovima: osamhiljada i 00/100 KM).

Član 2.

Autor nagrađenog rješenja dužan je u roku od 5 (pet) dana od dana zaprimanja ove Odluke o izboru nagrađenog rada dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. Zakona o javnim nabavkama.

Član 3.

Sa autorom nagrađenog konkursnog rada zaključiti će se Ugovor i isplatiti nagrade na temelju Ugovora i uslova iz tenderske dokumentacije, po proteku od 15 (petnaest) dana od dana pravosnažnosti ove Odluke.

Član 4.

Odluka o izboru nagrađenog učesnika konkursa objavit će se na web stranici Ministarstva za boračka pitanja Tuzlanskog kantona, istovremeno sa upućivanjem ponuđačima koji su učestvovali u postupku javne nabavke, u skladu sa članom 70 stav (6) i članom 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkursa za izradu idejnog rješenja, a pokrenut je na osnovu Odluke poništenju i ponovnom pokretanju postupka javne nabavke za izradu idejnog rješenja, broj: 15/1-04-001264-1/26 od 20.02.2026. godine, Obavještenja o nabavci, broj: 1015-6-8-3-19/26 objavljenog je na Portalu javnih nabavki dana, 17.03.2026. godine, u "Službenom glasniku Bosne i Hercegovine", broj: 22/26 od 23.03.2026. godine i Javnog konkursa za izradu idejnog rješenja za izgradnju spomen obilježja

„Spomen park sa spomen obilježjem 2. korpusu Armije Republike Bosne i Hercegovine“ objavljenog na web stranici Ministarstva za boračka pitanja (u daljem tekstu: Ministarstvo) dana, 17.03.2026. godine.

Procijenjena vrijednost javne nabavke je 13.000, 00 KM.

Konkursna komisija za provođenje Javnog konkursa za izradu idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“, imenovana je Odlukom Vlade Tuzlanskog kantona, broj: 02/1-19-20967-2/25 od 23.09.2025. godine i broj: 02/1-19-20967-3/25 od 11.11.2025. godine (u daljem tekstu: Konkursna komisija a).

Konkursna komisija je dana, 07.04.2026. godine sačinila Zapisnik o otvaranju, pregledu, analizi i ocjeni konkursnih radova – idejnih rješenja za izgradnju spomen obilježja” Spomen park sa spomen obilježjem 2. korpusu Armije Republike Bosne i Hercegovine” (u daljem tekstu: Zapisnik) u kom je konstatovala da je blagovremeno pristiglo 5 prijava po Javnom konkursu za izradu idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“ i to:

1. Prijava pod šifrom **PNR114**, zaprimljena 27.03.2026.godine u 09:10 sati
2. Prijava pod šifrom **ZE369**, zaprimljena 02.04.2026.godine u 08:35 sati,
3. Prijava pod šifrom **MKE721**, zaprimljena 06.04.2026.godine u 08:16 sati,
4. Prijava pod šifrom **TIV026**, zaprimljena 06.04.2026.godine u 08:54 sati i
5. Prijava pod šifrom **DŽZ555** zaprimljena 06.04.2026.godine u 09:07 sati.

Konkursna komisija je izvršila otvaranje prijave i konstatovala da sve prijave sadrži:

- kovertu “Konkursni rad” i
- kovertu “Autor”.

Konkursna komisija je izvršila otvaranje koverta sa oznakom „Konkursni rad” pod šifrom **PNR114** i utvrdila da ista ispunjava uslove predviđene tačkom 1.9. (Dostava materijala) Tenderske dokumentacije-Konkursa za izradu Idejnog rješenja za „Spomen park sa spomen obilježjem 2. korpusu Armije Republike Bosne i Hercegovine“, broj: 15/1-04-001264-1/26 od 17.03.2026. godine (u daljem tekstu: Tenderska dokumentacija).

Prijava pod šifrom **ZE369**, zaprimljena 02.04.2026. godine u 08:35 sati dostavljena je na Centralnu pisarnicu Ureda za zajedničke poslove kantonalnih organa putem Euro Expressa. Na tovarnom listu Euro Expressa navedeni su podaci o pošiljaocu: „Radio Kameleon d.o.o. Tuzla Odobašina 94, 71000 Sarajevo, Edina Selesković 061/810-369.....Predao: Edina Selesković“

Obzirom da je anonimnost kandidata, jedan od uslova propisanih tačkom 1.3. Tenderske dokumentacije prijava pod šifrom **ZE369**, zaprimljena od kandidata/ponuđača: Selesković Edine, Radio Kameleon Tuzla, nije se otvarala i razmatrala.

Konkursna komisija je izvršila otvaranje koverta sa oznakom „Konkursni rad” pod šifrom **MKE721** i utvrdila da isti ne ispunjava uslove predviđene tačkom 1.9. (Dostava materijala) Tenderske dokumentacije iz razloga što nijedan list konkursnog rada nije označen šifrom autora.

Konkursna komisija je izvršila otvaranje koverta sa oznakom „Konkursni rad” pod šifrom **TIV026** i utvrdila da isti ne ispunjava uslove predviđene tačkom 1.9. (Dostava materijala) Tenderske dokumentacije iz razloga što: listovi tekstualnog dijela konkursnog rada nisu označen šifrom autora, a u grafičkom dijelu posljednji prilog nije označen šifrom autora.

Konkursna komisija je izvršila otvaranje koverta sa oznakom „Konkursni rad” pod šifrom **DŽZ555** i utvrdila da isti ne ispunjava uslove predviđene tačkom 1.9. (Dostava materijala) Tenderske dokumentacije iz razloga što tekstualno obrazloženje ne sadrži opis dimenzija spomen obilježja u prostoru i prezentacija idejnog rješenja ne sadrži: dimenzije spomenika, poglede, detalje, niti dimenzije ostalih elemenata uređenja.

Zbog neispunjavanja prethodno navedenog uslova, u skladu sa tačkom 5. Tenderska dokumentacija, Konkursna komisija nije pristupila bodovanju zaprimljenih prijava pod šifrom MKE721, šifrom TIV026 i šifrom DŽZ555.

Konkursna Komisija je izvršila bodovanje konkursnog rada pod šifrom **PNR114** kako bi utvrdila da li rad pored formalno-pravnih uslova utvrđenih Tenderskom dokumentacijom, ispunjava i kriterije iz konkursne dokumentacije, odnosno da bi ocijenili kvalitet rješenja. Svaki član Komisije izvršio je pojedinačno bodovanje predmetnog Idejnog rješenja, a u skladu sa zadanim kriterijima.

Rbr	KRITERIJ	Broj bodova
1	Originalnost i inovativnost ideje, te uvjerljivost rješenja (od 1 do 10 bodova);	7
2	Estetski, likovni i oblikovni kvalitet rješenja (od 1 do 10 bodova)	7,14
3	Prostorna usklađenost sa postojećim ambijentom tj. odnos prema kontekstu (od 1 do 5 bodova)	4,29
4	Funkcionalne, oblikovne i prostorne kvalitete, tehničko tehnološke karakteristike rješenja, materijalizacija i održavanje (od 1 do 10 bodova)	7,43
5	Izvodljivost predloženog rješenja (od 1 do 10 bodova)	9
6	Racionalnost i ekonomičnost rješenja (od 1 do 5 bodova)	4,28
	UKUPNO	39,14

Konkursna Komisija je dana, 16.04.2026.godine, izvršila javno otvaranja koverta sa oznakom „Autor“ i izvršila povezivanje autora sa konkursnim radovima i to kako slijedi:

Redni broj	Šifra konkursnog rada	Podaci o autoru/autorima
1	PNR114	Nusret Lukač
2	MKE721	Autorski tim: Sirčo Jasmin, Melika Konjičanin, Kanita Čišija sa saradnicima Sirčo Ilmom i Kečić Velidom
3	TIV026	Tijana Veljković
4	DŽZ555	“4.0 Arhitektura” d.o.o. Tuzla

Na javnom otvaranju koverta prisustvovala je predstavnik pravnog lica “4.0 Arhitektura” d.o.o. Tuzla, Vidović Zoran.

Na temelju utvrđenog činjeničnog stanja, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke ponuđač može da izjavi žalbu u roku od 10 dana od dana prijema iste u skladu sa članom 101. stav (1) tačka d) Zakona o javnim nabavkama. Žalba se podnosi Kancelariji za razmatranje žalbi Bosne i Hercegovine putem Ministarstva za boračka pitanja Tuzlanskog kantona, ul. Maršala Tita do broja 34, Tuzla, shodno odredbama člana 99. Zakona o javnim nabavkama.

DOSTAVLJENO:

5x Ponuđačima i
1 x a/a.



MINISTRICA

dr. Senada Dizdarević